

**An Chomhairle Náisiúnta um  
Oideachas Speisialta**

**Tuarascáil  
Bhliantúil  
2007**

# Clár Ábhar

Réamhrá		3
Ráiteas ón gCathaoirleach		4
Ráiteas ón bPríomhoifigeach Feidhmiúcháin		5
Feidhmeanna na Comhairle		6
Príomhghnóthachtálacha in 2007		9
Seirbhísí do mhic léinn, do thuismitheoirí agus do scoileanna		10
Taighde		15
Seirbhísí Corparáideacha		16
Rialachas		19
<i>Aguisín I</i>	Suíomhanna na nOifigí	22
<i>Aguisín II</i>	Leithdháileadh Acmhainní – Anailís ar Chinntí	23
<i>Aguisín III</i>	Soláthar Foirne don NCSE	28
<i>Aguisín IV</i>	Achoimre ar Chuntais Airgeadais	29

## **Réamhrá**

Is é seo an ceathrú Tuarascáil Bhliantúil ón gComhairle Náisiúnta um Oideachas Speisialta (NCSE). Bunaíodh an Chomhairle an chéad lá le hOrdú (IR Uimh. 270 de 2004) ón Aire Oideachais agus Eolaíochta faoi Alt 54 den Acht Oideachais 1998 an 24 Nollaig 2003.

Díscaoileadh an Chomhairle arna bunú leis an Ordú thuasluaite go foirmiúil an 1 Meán Fómhair 2005 agus athbhunaíodh í faoin Acht um Oideachas do Dhaoine a bhfuil Riachtanais Speisialta Oideachais Acu 2004 (Acht ODRSO 2004) le héifeacht ón dáta sin.

Tugann an tuarascáil seo imlíne d'fhorbairt eagraíochtúil leanúnach na Comhairle, de leathnú agus síneadh a feidhmeanna agus dá príomhghníomhaíochtaí le linn na tréimhse 1 Eanáir 2007 go dtí 31 Nollaig 2007.

## **Ráiteas ón gCathaoirleach**

Dhírigh cuid mhór d'obair na Comhairle in 2007 ar a bheith ag cur le tionscnaimh agus le hobair na Comhairle a tháinig roimpi. Dá réir sin, ba thasc tábhachtach a bhí san obair maidir leis an bPlean Straitéise, a raibh dul chun cinn maith déanta ag an gComhairle roimhe sin air, a bhrú chun cinn agus a ullmhú lena fhoilsiú. Tá an Plean Straitéise tugtha chun críche anois agus foilseofar é in 2008.

Is feidhm ollmhór de chuid na Comhairle leithdháileadh leanúnach acmhainní a dhéanamh ar scoileanna lena chur ar a gcumas riachtanais leanaí a bhfuil riachtanais speisialta oideachais (RSO) acu a chomhlíonadh agus is feidhm ríthábhachtach í le go n-éireoidh le huilechuimsitheacht leanaí a bhfuil riachtanais speisialta oideachais acu inár scoileanna go léir. Tá – agus beidh – cur i bhfeidhm na feidhme seo ar bhealach cóir, leanúnach agus trédhearcach, mar phríomhchuspóir ag an gComhairle.

Is gnéithe ríthábhachtacha d'obair na Comhairle iad comhpháirtíocht agus cumarsáid le raon leathan eagraíochtaí. Údar misnigh an méid idirghníomhaíochta agus comhoibrithe atáthar a fhorbairt agus a neadú idir na nEarnálacha Sláinte agus Oideachais go ginearálta agus idir an NCSE agus Feidhmeannacht na Seirbhíse Sláinte (FSS) go háirithe. Beidh comhoibriú agus dlúthchaidrimh oibre idir an NCSE agus an FSS riachtanach do sheachadadh éifeachtúil agus éifeachtach an mheascáin tacaíochtaí a bheidh ag teastáil ó leanaí a bhfuil riachtanais speisialta oideachais acu agus iad ag dul ar aghaidh tríd an gcóras oideachais agus ag dul isteach sa lucht saothair.

Tá feidhmeanna comhairleacha Taighde agus Polasaí na Comhairle ag céim forbartha faoi láthair. Táthar ag tabhairt socruithe um sholáthar foirne chun críche, áfach, chun tacú leis na feidhmeanna sin agus ba chóir go ndéanfaí soláthar do leathnú ollmhór ar ghníomhaíochtaí sna réimsí sin sna blianta amach romhainn.

Tá súil agam anois go bhféadfar cinntí a dhéanamh le dul ar aghaidh le cur i bhfeidhm Acht ODRSO 2004 chomh luath agus is féidir, ag teacht le moltaí Thuarascáil Feidhmiúcháin na Comhairle a cuireadh faoi bhráid an Aire Oideachais agus Eolaíochta in 2006.

Sydney Blain  
Cathaoirleach

## **Ráiteas ón bPríomhoifigeach Feidhmiúcháin**

Baineadh amach feabhsú eagraíochtúil ollmhór in 2007 nuair a ceapadh Eagraithe Riachtanais Speisialta Oideachais Sinsearach (ERSOnna) a sholáthróidh cumas níos fearr ó thaobh seirbhísí tosaigh a chur ar fáil ar fud na tíre agus a chinnteoidh go mbeidh leanúnachas ann ó thaobh cinnteoireachta maidir le hacmhainní a leithdháileadh ar scoileanna. Trí fhoireann a cheadú do na réimsí taighde agus polasaí cuirfear ar chumas na Comhairle díriú isteach ar na réimsí sin go pointe nárbh fhéidir a dhéanamh roimhe seo.

Chuir tús feidhme an Achta um Míchumas i mí an Mheithimh 2007 deiseanna ar fáil le haghaidh caidrimh níos dlúithe idir an Chomhairle agus an FSS agus tugann sin deis don dá eagraíocht comhphleanáil a dhéanamh le tacú le leanaí óga faoi mhíchumas agus iad ag tosú ar a gcuid scolaíochta foirmiúla.

Is gníomhaíocht lárnach de chuid na Comhairle é acmhainní a leithdháileadh ar scoileanna bunaithe ar riachtanais aonair an linbh. Léiríonn na staitisticí a thugtar sa tuarascáil seo go soiléir cé chomh mór is atá an tasc sin agus an raon riachtanas speisialta a ndéileálann ár bhfoireann tosaigh leo. Is cuspóir leanúnach de chuid na Comhairle é a chinntiú go ndéanfar cinnteoireacht go comhsheasmhach ar bhonn náisiúnta agus go ndéanfar ath-leithdháileadh ar acmhainní sa chás go dtagann laghdú ar riachtanais.

Pat Curtin  
Príomhoifigeach Feidhmiúcháin

## **Feidhmeanna na Comhairle**

### **An tOrdú Bunaithe**

Bunaíodh an Chomhairle Náisiúnta um Oideachas Speisialta ar dtús le hOrdú (IR Uimh. 270 de 2004) ón Aire Oideachais agus Eolaíochta faoi Alt 54 den Acht Oideachais 1998 an 24 Nollaig 2003.

### **Feidhmeanna Ginearálta na Comhairle forordaithe le hOrdú**

Tugann an tOrdú foráil gurb iad feidhmeanna ginearálta na Comhairle –

(A) dul i mbun taighde agus sainchomhairle a thabhairt don Aire maidir le riachtanais speisialta leanáí faoi mhíchumas agus maidir le seirbhísí gaolmhara a sholáthar,

(B) soláthar a dhéanamh do raon seirbhísí ag leibhéal áitiúil agus náisiúnta ionas go n-aithneofar riachtanais oideachais leanáí faoi mhíchumas agus go gcuirfear ar fáil iad, agus

(C) soláthar oideachais agus seirbhísí tacaíochta gaolmhara a chomhordú agus a chur ar fáil do leanáí faoi mhíchumas, i gcomhar le boird sláinte, scoileanna agus comhlachtaí ábhartha eile.

Forbraíodh socruithe i ndlúth-chomhoibriú leis an Roinn Oideachais agus Eolaíochta (ROE) le go mbeadh freagracht oibríochtúil ar an gComhairle Náisiúnta um Oideachas Speisialta, lenar áiríodh cinnteoireacht i roinnt réimsí, le héifeacht ón 1 Eanáir 2005. Ba iad sin:

- iarratais ar thacaíocht múinteoirí acmhainne i ndáil le leanáí faoi mhíchumas íosmhinicíochta a phróiseáil agus cinneadh a dhéanamh faoin leibhéal tacaíochta iomchuí don scoil;
- iarratais ar thacaíocht cúntóirí riachtanas speisialta do leanáí faoi mhíchumas a phróiseáil agus cinneadh a dhéanamh faoin leibhéal tacaíochta iomchuí don scoil;
- iarratais ar threalamh speisialta/theicneolaíocht chúnta a scrúdú;
- iarratais ar shocruithe taistil do leanáí faoi mhíchumas a scrúdú agus moltaí a dhéanamh don Roinn Oideachais agus Eolaíochta;

## **Bunú faoin Acht um Oideachas do Dhaoine a bhfuil Riachtanais Speisialta Oideachais Acu 2004.**

D'achtaigh an tOireachtas an tAcht um Oideachas do Dhaoine a bhfuil Riachtanais Speisialta Oideachais Acu 2004 agus shínigh an tUachtarán an reachtaíocht ina dlí i mí Iúil 2004.

D'fhoráil an tAcht do dhíscaoileadh na Comhairle Náisiúnta um Oideachas Speisialta arna bunú le hOrdú agus dá hathbhunú faoin Acht le tuilleadh feidhmeanna agus freagrachtaí sainmhínithe.

Bhunaigh an tAire Oideachais agus Eolaíochta an Chomhairle go foirmiúil faoin Acht le héifeacht ón 1 Deireadh Fómhair 2005 agus cuireadh Alt 20 den Acht i mbun feidhme, alt a leagann amach feidhmeanna ginearálta na Comhairle faoin Acht. Seo a leanas na feidhmeanna sin

(a) faisnéis a bhaineann le dea-chleachtas, go náisiúnta agus go hidirnáisiúnta, maidir le hoideachas leanaí a bhfuil riachtanais speisialta oideachais acu, a scaipeadh ar scoileanna, ar thuismitheoirí agus ar cibé duine eile a mheasann an Chomhairle a bheith cúí;

(b) soláthar oideachais agus seirbhísí tacaíochta do leanaí a bhfuil riachtanais speisialta oideachais acu a phleanáil agus a chomhordú, i gcomhar le scoileanna, le boird sláinte agus le cibé duine eile a mheasann an Chomhairle a bheith cúí;

(c) Pleanáil a dhéanamh d'oideachas do mhic léinn a bhfuil riachtanais speisialta acu a lánpháirtiú le hoideachas do mhic léinn go ginearálta, i gcomhar le scoileanna agus le cibé duine eile a mheasann an Chomhairle a bheith cúí;

(d) faisnéis faoina dteidlíochtaí féin agus faoi theidlíochtaí a gcuid leanaí a chur ar fáil do thuismitheoirí leanaí a bhfuil riachtanais speisialta acu;

(e) a chinntiú go ndéanfar monatóireacht ar dhul chun cinn mic léinn a bhfuil riachtanais speisialta acu agus go ndéanfar athbhreithniú air go rialta;

(f) measúnú agus athbhreithniú a dhéanamh ar na hacmhainní riachtanacha ó thaobh soláthar oideachais do leanaí a bhfuil riachtanais speisialta oideachais acu;

(g) a chinntiú go mbeidh leanúnachas soláthair oideachais speisialta ar fáil de réir mar is gá i ndáil le gach cineál míchumais;

(h) athbhreithniú ginearálta a dhéanamh ar an soláthar a dhéantar do dhaoine fásta a bhfuil míchumas orthu maidir le leas a bhaint as ardoideachas, oideachas do dhaoine fásta agus oideachas leanúnach, as athshlánúchán agus oiliúint, agus tuarascálacha ar thorthaí athbhreithnithe den sórt sin a fhoilsiú (athbhreithnithe a d'fhéadfadh moltaí faoin tslí ina bhféadfaí feabhas a chur ar an soláthar sin a bheith ina measc);

(i) comhairle a chur ar na forais oideachais go léir maidir le dea-chleachtas i ndáil le hoideachas a chur ar dhaoine fásta faoi mhíchumas;

(j) comhairle a chur ar an Aire i ndáil le haon ní a bhaineann le hoideachas leanaí agus daoine eile faoi mhíchumas;

(k) dul i gcomhairle le cibé comhlacht deonach a mheasann an Chomhairle a bheith cuí, (ar comhlachtaí iad a mbaineann a gcuspóirí le leasa daoine faoi mhíchumas a chur chun cinn, nó le seirbhísí tacaíochta a sholáthar dóibh) chun críocha a chinntiú gur féidir lena neolas agus lena saineolas a bheith mar fhaisnéis d'fhorbairt polasaí ag an gComhairle agus do phleanáil agus do sholáthar seirbhísí tacaíochta, agus

(l) taighde ar nithe a bhaineann le feidhmeanna na Comhairle a dhéanamh agus a choimisiúnú, agus an t-ábhar a eascraíonn as an taighde sin a fhoilsiú, de réir mar a mheasann an Chomhairle a bheith cuí, i cibé foirm agus ar cibé slí a mheasann an Chomhairle a bheith cuí.

Ba iad na feidhmeanna sin, in éineacht le feidhmeanna a bhaineann le leithdháileadh acmhainní a bhí aistrithe ón Roinn cheana féin, sainchúram na Comhairle le héifeacht ón 1 Deireadh Fómhair 2005.



## Príomhghnóthachtálacha in 2007

Le linn 2007, lean an NCSE lena chuid iarrachtaí a shainchúram reachtúil a chomhlíonadh chun feabhas a chur ar sheachadadh soláthar oideachais speisialta ar leanaí a bhfuil riachtanais speisialta oideachais acu. Déantar sin d'fhonn cabhrú le leanaí RSO a bheith rannpháirteach san oideachas, agus leas a bhaint as, ar shlí atá cothrom lena gcomhghleacaithe nach bhfuil riachtanais den sórt sin acu agus torthaí oideachais a bhaint amach a cheadóidh dóibh saol sásúil a chaitheamh laistigh dá bpobal.

Seo a leanas achoimre ar na príomhghnóthachtálacha in 2007:

1. Ceapadh Comhairle nua, comhaontaíodh socrúithe nua agus cuireadh ar bun iad.
2. Próiseáladh breis agus 21,000 iarratas ó bhreis is 4,000 scoil ar acmhainní chun tacú le leanaí a bhfuil riachtanais speisialta oideachais acu agus ceadaíodh acmhainní breise de réir pholasaí na Roinne Oideachais agus Eolaíochta.
3. Chríochnaigh an NCSE forbairt agus leathnú ar an gcéad chéim de Chóras Riaracháin don Oideachas Speisialta (CROS), rud a chuirfidh go mór leis an gcaighdeán fainsnéise atá ar fáil ar an líon agus an raon leanaí a bhfuil riachtanais speisialta oideachais acu a bhfuiltear ag tacú leo.
4. Rinneadh an próiseas trína ndéanann scoileanna iarratais ar acmhainní i ndáil le leanaí a bhfuil riachtanais speisialta oideachais acu a shimpliú tuilleadh agus thug an scála ama ina bhfaigheann scoileanna cinntí maidir lena n-iarratais deis dóibh socrúithe iomchuí don bhliain acadúil ina dhiaidh sin a dhéanamh.
5. B'fhorbairt mhór ó thaobh struchtúir réigiúnacha a bhunú agus bainistíocht fhoriomlán a fheabhsú é Eagraithe Riachtanais Oideachais Speisialta Sinsearacha a cheapadh.
6. Cruthaíodh naisc le gníomhaireachtaí eile chun socrúithe comhoibre níos dlúithe idir an NCSE agus na gníomhaireachtaí sin a éascú. Táthar ag súil go dtiocfaidh seachadadh níos comhtháite agus níos dírithe ar an leanbh as na naisc sin.
7. Comhaontaíodh agus cuireadh tús le socrúithe maidir le hathbhreithniú ar struchtúr soláthar foirne agus eagraithe an NCSE i gcomhar leis an Roinn Oideachais agus Eolaíochta agus leis an Roinn Airgeadais i gcomhthéacs chur i bhfeidhm an Achta um Oideachas do Dhaoine a bhfuil Riachtanais Speisialta Oideachais Acu 2004.
8. Líonadh post an Chinn Taighde agus forbraíodh socrúithe foirne do phríomhréimsí feidhmiúcháin eile de chuid an NCSE, lena n-áirítear polasaí

oideachais speisialta, tacaíocht taighde, ceanncheathrú agus seirbhísí líne tosaigh.

9. Cuireadh tús leis an bpróiseas chun clár taighde ilbhliantúil a aithint agus a chomhaontú agus tosaíodh ar bhearta um dheimhniú cáilíochta agus luach ar airgead a chur ar bun do chlár den sórt sin.

## **Seirbhísí do mhic léinn, do thuismitheoirí agus do scoileanna**

### **An Próiseas Leithdháilte 2007/2008**

D'fhonn seirbhís oideachais ar ardchaighdeán a sholáthar do mhic léinn a bhfuil riachtanais speisialta acu, ní mór aghaidh chuimsitheach a thabhairt ar phleanáil agus ar chomhordú seirbhísí oideachais speisialta ag leibhéal áitiúil. Faoi láthair, tá baint ag EROSanna go príomha le hacmhainní a thabhairt do scoileanna chun riachanais leanáí a bhfuil riachtanais speisialta oideachais acu a chomhlíonadh agus lena chinntiú go n-úsáidfeadh na hacmhainní sin, poist cuntaíri riachtanas speisialta go háirithe, ar bhealach éifeachtúil sna scoileanna. Tá siad freagrach as iarratais ó scoileanna ar thacaíocht múinteoirí acmhainne a phróiseáil agus as iarratais ó scoileanna a phróiseáil agus cinnteoireacht a dhéanamh maidir leis an leibhéal iomchuí de thacaíocht cúntóra riachtanas speisialta do leanáí faoi mhíchumas.

I ndáil leis an bpróiseas leithdháilte 2007/2008, bhí sé mar aidhm ag an NCSE a chinntiú go bhfaigheadh gach scoil cinneadh maidir lena hiarratas ar acmhainní sula dtosódh laethanta saoire an tsamhraidh. Chinnteodh sin go mbeadh scoileanna in ann an fhoireann riachtanach a fhostú nó a choinneáil sula n-athosclódh siad i mí Mheán Fómhair. Bhí an scála ama sin ag brath ar iarratais ó scoileanna a bheith faighte ag an NCSE in am agus i dtráth.

D'fhonn é sin a bhaint amach, eisíodh treoirínte chuig bunscoileanna, scoileanna dara leibhéal agus scoileanna speisialta an 12 Márta 2007, a leag amach an tslí ina bhféadfaidís iarratas ar acmhainní a dhéanamh maidir le leanáí a bhfuil riachtanais speisialta oideachais acu. Comhaontaíodh freisin nach raibh ar iarbunscoileanna iarratas a dhéanamh níos mó ar acmhainní a choinneáil. Sa tréimhse Aibreán go dtí deireadh mhí an Mheithimh, chuir os cionn 4,000 scoil iarratas ar acmhainní isteach chun riachtanais oideachais speisialta leanáí a chomhlíonadh i ndáil leis an mbliain acadúil 2007/2008.

Próiseáladh gach iarratas a fuarthas faoi dheireadh mhí an Mheithimh agus eisíodh cinntiú chuig na scoileanna ábhartha laistigh de shé seachtaine ón dáta a bhfuarthas na hiarratais, lena áiríodh iad sin gan aon chlúdach EROS reatha. D'éiligh an obair sin aird iomlán chohórt EROS thar an tréimhse trí mhí sin. Chaith foireann oibríochtaí na ceannoifige go leor ama ar an tasc sin sa tréimhse chéanna chomh maith. Rud nárbh amhlaidh le blianta roimhe seo, bhí scoileanna in ann pleanáil a dhéanamh don bhliain 07/08, agus an leibhéal leithdháilte múinteoireachta agus cuntaíri riachtanas speisialta (CRS) ar an scoil á chur san áireamh.

Rinneadh scrúdú ar thionchar iomlán an phróisis iarratais i rith mhíonna an tSamhraidh agus rinneadh athbhreithniú ar leithdháilte acmhainní ar scoileanna

nuair a d'oscail na scoileanna i mí Mheán Fómhair. Chuir grúpa beag scoileanna in aghaidh chinneadh an EROS go láidir agus dhírigh na díospóireachtaí sin beagnach go hiomlán ar leithdháileadh acmhainní CRS ar an scoil. Mar fhreagra air sin, tá an Chomhairle ag scrúdú cén chaoi ar féidir faisnéis maidir leis na critéir ó thaobh leithdháileadh acmhainní a chur ar fáil do scoileanna ar shlí níos fearr.

Tá anailís iomlán ar na hiarratais a fuarthas maidir le Bunscoileanna agus le hIarbunscoileanna leagtha amach ag **Aguisín 11**.

### **Eagraithe Sinsearacha Riachtanais Oideachais Speisialta a cheapadh**

Faoin Acht ODRSO, 2004, ceapann an Chomhairle Eagraithe Riachtanais Oideachais Speisialta chun seachadadh seirbhísí oideachais a dhéanamh ar leanaí a bhfuil riachtanais speisialta oideachais acu. Cuireann siad seirbhís ar fáil díreach chuig tuismitheoirí leanaí a bhfuil riachtanais speisialta oideachais acu agus chuig scoileanna laistigh de réimsí geografacha ainmnithe.

Ba chloch mhíle shuntasach é ceapachán Eagraithe Sinsearacha Riachtanais Oideachais Speisialta in 2007, de bharr gur éascaigh sé forbairt bhreise ar struchtúir réigiúnacha an NCSE agus gur fheabhsaigh sé an bhainistíocht tríd is tríd. I dteannta Eagraithe Sinsearacha a cheapadh ar fhoirne réigiúnacha, ceapadh beirt EROS Sinsireach le freagrachtaí speisialtacha i ndáil le CRSanna a leithdháileadh ar scoileanna agus saincheisteanna a aithint a dteastaíonn cur chuige leanúnach ó EROSanna ina leith maidir le leithdháileadh acmhainní. Chuir na ceapacháin sin neart leis na struchtúir atá san NCSE cheana féin agus chinntigh siad níos mó leanúnachais maidir le cinnteoireacht ar fud na tíre.

### **Forbairt Ghairmiúil d'Eagraithe Riachtanais Oideachais Speisialta**

Le linn 2007, tugadh deiseanna d'Eagraithe Riachtanais Oideachais Speisialta forbairt ghairmiúil leanúnach a dhéanamh, ag díriú ar:

- tuiscint níos mó ar ról EROSanna agus EROSanna Sinsearacha faoi seach i gcomhthéacs an phlean oibre do 2007/2008.
- an gá le comhsheasmhacht náisiúnta sa phróiseas cinnteoireacha
- treoirlínte ar bhunú ranganna speisialta
- oiliúint i gcumarsáid agus sna meáin

Fuair EROSanna ar ceapadh le déanaí iad modúl oiliúna ionduchtaithe ina raibh cuir i láthair ar léirmhíniú tuarascálacha gairme, feasacht ar mhíchumas, an tAcht ODRSO agus oiliúint i scoileanna bunúsacha maidir le cruinnithe le tuismitheoirí agus le scoileanna a thionól. Bhí oiliúint 'i mbun oibre' ann ina dhiaidh sin, curtha ar fáil ag EROSanna eile go háitiúil.

Fiafraíodh d'EROSanna cén oiliúint agus cén t-uas-sciliú breise a theastaigh uathu d'fhonn na ról a bheadh acu san eagraíocht a chomhlíonadh.

## **An Córas Riaracháin don Oideachas Speisialta (CROS)**

Ó mhí Mheán Fómhair 2006 nuair a thosaigh an Chomhairle ar an gcéim reatha den chóras CROS, éilíonn an próiseas maidir leis na hacmhainní a leithdháiltear ar scoileanna ó thaobh leanaí RSO a thaifeadh go gcuirfeadh ERSONna na sonraí ábharthacha isteach sa chóras. Bhí riaráiste mór iarratas ann agus dhírigh ERSONna ar an obair sin i rith mhíonna an tSamhraidh 2007. Tá an próiseas maidir leis na sonraí a chur isteach agus a ghlanadh tugtha chun críche. Táthar ag fiosrú an féidir miondealú mionsonraithe ar phróifíl leanaí RSO i scoileanna a chur ar fáil. Tá an obair maidir le bunachar sonraí a bheidh iontaofa go hiomlán faoi lán seoil anois.

## **Tús Feidhme an Achta um Míchumas**

Ón 1 Meitheamh 2007, cuireadh tús leis na forálacha a bhaineann le daoine faoi mhíchumas a mheasúnú maidir le leanaí faoi bhun cúig bliana d'aois. Faoi Alt 8 den Acht, féadfaidh oifigeach measúnaithe an FSS a iarraidh ar an NCSE measúnú oideachais ar na leanaí sin a eagrú. Baineann polasaí reatha ROE le soláthar acmhainní chun riachtanais oideachais leanaí a chomhlíonadh nuair a thosaíonn siad ar an mbunscoil tar éis an míchumas a bheith measúnaithe. Tá roinnt réimsí ann, áfach, ina gcuirtear idirghabháil luath ar fáil, mar shampla, sa chás go mbíonn laige amhairc nó éisteachta ar leanbh nó má tá sé/sí ar an speictream uathaigh. Cuireann an FSS tacaíochtaí ar fáil do leanaí faoi mhíchumas intleachtúil chomh maith.

Tá sé beartaithe anois go bhfeidhmeoidh ERSONna mar sholáthróirí faisnéise maidir leis na tacaíochtaí idirghabhála luatha sin agus go gcuirfidh teagmháil le tuismitheoirí faoi bhun cúig bliana d'aois ar chumas an ERSO pleanáil a dhéanamh roimh ré do sholáthar tacaíochtaí ábhartha san earnáil oideachais. Go dtí deireadh na bliana, fuarthas 23 iarratas ar mheasúnú ó Oifig Mheasúnaithe.

Bhain pléítí eile le ROE, leis an Roinn Sláinte agus Leanaí agus leis an FSS maidir le forbairt polasaí le measúnú ar riachtanais oideachais más gá.

## **Ranganna Speisialta do Leanaí le Neamhord Speictrim Uathaigh (NSU) a Bhunú**

Rinne na heagraithe riachtanais speisialta oideachais teagmháil le scoileanna a léirigh spéis in aonaid nó ranganna speisialta a bhunú do leanaí NSU. Rinneadh an teagmháil sin ag teacht ó fhógra ón Aire Oideachais agus Eolaíochta faoi shraith beart a bhfuil feidhm acu maidir le scoileanna den sórt sin. Rinne na ERSONna idirbheartaíocht leis na scoileanna sin maidir le soláthar cóiríochta breise, earcú múinteoirí agus oiliúint múinteoirí chomh maith.

Leanadh le pléítí le ROE maidir le ranganna speisialta do leanaí NSU a bhunú. Tionóladh pléítí maidir le baint ERSONna leis an soláthar cláir idirghabhála luaithe do leanaí den sórt sin. Samhlaítear go gcuirfidh an próiseas sin ar chumas ERSONna idirchaidreamh a dhéanamh le tuismitheoirí agus le scoileanna sula dtéann leanaí ar an rolla ag an leibhéal bunscoile ionas gur féidir na tacaíochtaí oideachais ábhartha

(uaireanta acmhainne, oiliúint mhúinteoirí, ranganna speisialta) a chur ar fáil nuair a théann siad isteach sa scoil.

## **Ról na Comhairle maidir le hAchomhairc a Phróiseáil faoi Alt 29 den Acht Oideachais**

Tugann Alt 29 den Acht Oideachais foráil gur féidir le tuismitheoirí achomarc a dhéanamh maidir le cinntí a dhéanann scoileanna ó thaobh:

- Buan-eisiamh ón scoil
- A bheith curtha ar fionraí ón scoil
- Diúltú leanbh a chur ar an rolla

Déantar an t-achomharc chuig Coiste Achomharc arna bhunú ag Ard-Rúnaí na Roinne Oideachais agus Eolaíochta.

In 2007, thug an Chomhairle faisnéis don Choiste Achomharc maidir le thart ar 100 cás a bhain le leanaí a raibh riachtanais speisialta oideachais diagnóisithe acu sa chás gur cuireadh tús le próiseas Alt 29. Ba iad na treochtaí a aithníodh maidir le hachomhairc den sórt sin:

- Bhain 51% le leanaí in aois bunscoile agus bhain 49% le leanaí in aois scoile dara leibhéal
- Bhain 20% de na cásanna le leanaí a bhí buan-eisiata ón scoil
- Bhain 77% de na cásanna le leanaí ar diúltaíodh iad a chur ar an rolla
- Bhain 3% de na cásanna le leanaí ar cuireadh ar fionraí ón scoil iad

I 34% de na cásanna thuasluaite níor seasadh leis an achomharc agus i 30% de na cásanna seasadh leis an achomharc. I gcásanna eile úsáideadh éascaitheoir nó réiteach áitiúil nó tarraingíodh siar an t-achomharc.

## **Caighdeán maidir leis an nGrúpa Oibre a Mheasúnú**

Le linn 2007, chuir an grúpa oibre seo, a bhí comhdhéanta d'ionadaithe ó na hearnálacha sláinte agus oideachais, a chuid oibre ó thaobh caighdeán maidir le measúnuithe i gcrích, d'fhonn riachtanais an Achta um Míchumas agus an Achta ODRSO araon a chomhlíonadh. Ba chóir go mbeadh mar thoradh ar chur i bhfeidhm na gcaighdeán sin go mbeidh na próisis mheasúnaithe fite fuaite le chéile, mar atá leagtha amach i ngach ceann de na hAchtanna, ionas gur féidir na tacaíochtaí ábhartha a chur ar fáil, de réir mar is cuí.

Tar éis chur i gcrích na hoibre sin, bunaíodh grúpa oibre nua chun scrúdú a dhéanamh ar an tslí a mbeidh feidhm leis na caighdeáin seo ag leibhéal gairme, i.e. maidir le daoine a bhfuil baint acu leis an bpróiseas measúnaithe. Tionóladh cruinnithe den ghrúpa seo, atá dírithe ar dtús ar an bpróiseas measúnaithe do leanaí faoi bhun cúig bliana d'aois, roinnt uaireanta i rith na bliana. Dhírigh pléití ar theimpléad a fhorbairt a d'fhéadfadh na hOifigigh Mheasúnaithe a úsáid agus tuarascáil mheasúnaithe á hullmhú acu.

Tá ionadaí ón NCSE sa ghrúpa seo, a ndéanann an grúpa oibre tras-earnála, atá comhdhéanta d'oifigigh shinsearacha ó na hearnálacha sláinte agus oideachais, maoirseacht ar a chuid oibre.

## Comhoibriú

Le linn 2007, lean an NCSE ar aghaidh le hidirchaidreamh agus teagmháil a dhéanamh leis an Roinn Oideachais agus Eolaíochta, le FSS agus le gníomhaireachtaí eile trí na nithe seo a leanas a dhéanamh:

1. Ionadaíocht ar **Bhuanchóiste ROE**, atá comhdhéanta d'oifigigh ó rannóga líne ROE, agus d'ionadaithe ón NCSE, ó NEPS agus ón gCigireacht. Baintear leas as an gCoiste seo mar fhóram inar féidir le gach aon taobh saincheisteanna oibríochta a phlé i gcomhthéacs an pholasaí atá i bhfeidhm faoi láthair.
2. Idirchaidreamh le **Roinn Iompair Scoile ROE** chun ról an ERSO i ndáil le tuarascáil a sholáthar don roinn iompair scoile a phlé. Cuirfear tús le nósanna imeachta athbhreithnithe chun iarratais ó scoileanna a phróiseáil sa bhliain 07/08.
3. Rannpháirtíocht san Athbhreithniú ar an **Scéim Cúntóirí Riachtanas Speisialta ó thaobh Luach ar Airgead**: Chuir ROE in iúl don Chomhairle gur roghnaíodh an polasaí reatha ar CRSanna le haghaidh athbhreithniú foirmiúil ar luach ar airgead agus ar pholasaí. Bhí an NCSE sásta a bheith rannpháirteach sa phróiseas athbhreithnithe.
3. Tionóladh cruinnithe leis an **tSeirbhís Náisiúnta Síceolaíochta Oideachais** chun tuilleadh forbartha a dhéanamh ar na naisc réigiúnacha struchtúrtha idir an dá ghníomhaireacht.
4. Tionóladh pléití le Feidhmeannacht na Seirbhíse Sláinte chun soiléiriú a dhéanamh ar ról an NCSE agus FSS faoi seach sna próisis mheasúnaithe atá leagtha amach san Acht um Míchumas.

Le linn 2007 tionóladh cruinnithe leis na grúpaí seo a leanas chomh maith: Seirbhís Síceolaíochta Choiste Gairmoideachais Co. Bhaile Átha Cliath, Comhaontas Náisiúnta Tuismitheoirí agus Siblíní, agus Príomhoidí i gceantar Luimnigh.

## Ráiteas Straitéise 2008 -2011

Agus í ag cur le hobair na Comhairle a tháinig roimpi, chuir an Chomhairle críoch le ráiteas straitéise atá le foilsiú in 2008. D'fhorbair comhaltaí na Comhairle, i dteannta leis an bhFeidhmeannas, an ráiteas chun cuspóirí lárnacha, príomhréimsí gnóthachtála agus bearta torthaí do na ceithre bliana amach romhainn a aithint. Tá an Ráiteas Straitéise ar fáil ar láithreán gréasáin an NCSE, [www.ncse.ie](http://www.ncse.ie)

## **Taighde**

Le linn 2007, rinne na taighdeoirí a ceapadh ina leith dul chun cinn ar na ceithre thionscadal déag a aithníodh faoin Tionscnamh Taighde ar Oideachas Speisialta (TTOS).

Tugadh tuarascáil ar sholáthar oideachais do leanaí bodhra agus a bhfuil deacrachtaí éisteachta acu chun críche, tuarascáil a tharraing ar obair an Choiste Chomhairligh ar Oideachas do na Bodhair, atá díscailte ó shin. Tugadh bailiú sonraí agus aighneachtaí breise chun críche ó díscailleadh an Coiste chomh maith.

D'iarr an tAire Oideachais agus Eolaíochta go ndéanfadh coimisiún na Comhairle athbhreithniú ar scoileanna agus ar ranganna speisialta. Fógraíodh an togra maidir leis an taighde i mí Lúnasa 2007 agus bronnadh an conradh i mí na Nollag 2007.

Bhí folúntas sa phost Ceann Taighde agus Forbartha ó dheireadh 2006 agus le linn 2007 ar fad agus bhí tionchar aige sin ar leathnú amach an chláir thaighde i rith 2007.

## **Seirbhísí Corparáideacha**

### **Rialachas Corparáideach**

Cheap an tAire Comhairle nua i mí Eanáir 2007. Cuireadh socruithe faisnéisithe iomchuí ar bun chun cabhrú le comhaltaí a gcuid freagrachtaí agus dualgas mar chomhaltaí na Comhairle a chomhlíonadh. Thug an Foras Riaracháin cothrom le dáta lámhleabhar Rialachais an NCSE do chomhaltaí na Comhairle, a d'fhorbair agus a chomhaontaigh an Chomhairle roimhe sin ag teacht le dea-chleachtas rialachais agus a raibh Treoirlínte an Rialtais mar chuid de, agus chomhaontaigh an Chomhairle é.

### **Tuilleadh forbartha ar an Eagraíocht**

Lean an Chomhairle ar aghaidh ag déanamh cothabhála agus forbartha ar a hinfrastruchtúr eagraíochtúil, a soláthar foirne, a córais agus a hacmhainneacht chorparáideach i rith 2007. Áirítear ar an bhforbairt infrastruchtúir leanúnach sin soláthar foirne, cóiríocht, seirbhísí, teicneolaíocht na faisnéise agus airgeadas. Tá forbairt maidir leis sin nasctha leis an líon foirne ceadaithe agus leis na teorainneacha polasaí agus buiséid faoina n-oibríonn an NCSE, lena n-áirítear soiléiriú maidir le cur i bhfeidhm an Achta um Oideachas do Dhaoine a bhfuil Riachtanais Speisialta Oideachais Acu 2004.

Lean forbairt straitéiseach na heagraíochta ar aghaidh ag díriú ar thógáil acmhainneachta, ag teacht le riachtanais na heagraíochta.

### **Acmhainní Daonna**

Earcaítear agus fostaítear foireann na Comhairle Náisiúnta um Oideachas Speisialta mar státseirbhísigh de réir na bhforálacha a bhíonn i bhfeidhm leis an Státseirbhís go ginearálta. Áirítear ar fhoireann an NCSE meascán iomchuí de ghráid seirbhíse ginearálta agus speisialtachta. Cuirtear cláir forbartha foirne agus cláir oiliúna ar bun chun na scileanna agus na hinniúlachtaí do sheachadadh an raoin leathain feidhmeanna a theastaíonn ón NCSE a fhorbairt.

Tá mionsonraí faoi sholáthar foirne ceadaithe an NCSE i rith 2007 leagtha amach in **Aguisín 111**. Cuireadh tús in 2007 le hathbhreithniú ar struchtúr eagraíochtúil agus soláthar foirne an NCSE maidir le cur i bhfeidhm ODRSO 2007. Mar aitheantas ar riachtanais soláthar foirne an NCSE agus iad ag feitheamh ar thorthaí an athbhreithnithe, ceadaíodh 7 bpost breise i rith 2007 lena n-áirítear post an Chomhairleora ar Pholasaí Oideachais Speisialta i gcomhthéacs ról comhairleach polasaí na Comhairle, post d'Oifigeach Taighde chun tacú le haonad taighde an NCSE. Ceadaíodh poist riaracháin bhreise chun tacú le feidhmeanna eagraíochtúla ginearálta agus chun iad a bhainistiú.

Comhaontaíodh struchtúr bainistíochta ceantair áitiúil in 2007 agus cuireadh i bhfeidhm é. Cuireadh 12 phost mar Eagraí Sinsearach Riachtanais Speisialta Oideachais agus 10 gceantar seirbhíse áitiúla ar bun. B'fhorbairt struchtúrtha



riachtanach a bhí ansin chun eagrú níos éifeachtaí agus níos éifeachtúla ar sheirbhísí áitiúla an NCSE a chinntiú agus chun rochtain níos fearr ar sheirbhísí oideachais iomchuí do dhaoine a bhfuil riachtanais speisialta oideachais acu a chinntiú.

Bhí tionchar dearfach ag poist bhuana agus struchtúr bainistíochta áitiúil a bhunú ar fhoireann a choinneáil agus ar sheirbhísí áitiúla a fhorbairt agus a fheabhsú.

Lean aistrithe foirne faoi chlár dláráithe an Rialtais ag imirt tionchar diúltach ar an bhfoireann i gceannoifig an NCSE maidir le scileanna a choinneáil agus b'éigean scileanna agus inniúlachtaí i bpríomhréimsí feidhmithe a atógáil de réir mar bhí gá leo.

Thug an NCSE an chéad chéim de chur i bhfeidhm an Chórais Bainistíochta Acmhainní Daonna chun críche, córas a bheidh an-tábhachtach maidir le cur le bainistiú pearsanra agus le forbairt ar acmhainneacht ag teacht le riachtanais eagraíochtúla.

### **Córais Teicneolaíocht Faisnéise (TF)**

Lean an NCSE ar aghaidh ag forbairt, ag athbhreithniú agus ag cothabháil a líonra TF agus na bpróiseas riachtanach slándála, athghabhála tubaiste agus cosanta sonraí. Lean an NSCE ar aghaidh ag forbairt acmhainneacht TF a mball foirne nua agus iad sin a bhí ann cheana féin de réir mar ba ghá agus nuair ab fhéidir sin.

Cuireadh an chéad chéim den Chóras Riaracháin don Oideachas Speisialta (CROS) i bhfeidhm in 2007 agus rinneadh roinnt oibre feabhsúcháin a bhí riachtanach. Tá an córas TF sin forbartha chun tacú le seachadadh éifeachtúil agus éifeachtach roinnt de phríomhfheidhmeanna na Comhairle, agus sin a chumasú, mar shampla seirbhísí áitiúla, cásbhainistiú, faisnéis bhainistithe, sonraí taighde agus comhairle faoi pholasaí. Leanadh leis an obair ar chríochnú agus ar fhíorú sonraí agus ar an gcóras a neadú isteach i bpróisis chórais oibre an NCSE go sásúil le linn 2007.

I rith 2007, thug an NCSE a chian-chomhcheangaltacht gan sreang ar líne cothrom le dáta dá sholáthróirí seirbhíse áitiúla. Chuir sé lena chomhcheangaltacht leathanbhanda chuig oifigí NCSE áitiúla freisin. Chuir comhcheangaltacht fheabhsaithe ar a líonra ceantair leathan a thuilleadh le héifeachtúlacht agus le héifeachtacht sheachadadh seirbhísí an NCSE go háitiúil.

### **An Líonra Oifigí Áitiúla**

Lean an NCSE ar aghaidh ag déanamh cothabhála agus tuilleadh forbartha ar a líonra oifigí áitiúla in 2007 ag teacht le gnásanna iomchuí agus le riachtanais eagraíochtúla. Rinne an NCSE iarracht líonra oifigí a chur ar fáil ar fud an Stáit chun rochtain áitiúil ar sheirbhísí, forbairt foirne áitiúla agus idirchaidreamh le soláthróirí seirbhísí gaolmhara eile a chinntiú. Maidir le hoifigí a sholáthar, d'oibrigh an NCSE le hOifig na nOibreacha Poiblí (OOP), a mhéid agus ab fhéidir, laistigh de chomhthéacs a chuid cláir cothabhála agus forbartha maoinne. Tá soláthar riachtanach taobh amuigh de chlár OOP faighte ag an NCSE nuair ba ghá sin, ach ghlac sé le comhairle OOP a

mhéid agus ab fhéidir. Tá mionsonraí faoi oifigí an NCSE leagtha amach in **Aguisín I**.

## **Airgeadas**

Tá céimeanna tógtha ag an gComhairle le timpeallacht rialaithe iomchuí a chinntiú, trí na nithe seo a leanas a dhéanamh:

- a chinntiú go gcomhlíonfaidh an NCSE a hoibleagáidí airgeadais faoin Acht
- freagrachtaí bainistíochta i struchtúr eagraíochtúil sainmhínithe, le deighilt dualgas shoiléir a shoiléiriú
- nósanna imeachta rialaithe iomchuí a fhorbairt agus a chur i bhfeidhm
- coistí Comhairle iomchuí a bhunú chun díriú níos fearr ar réimsí faoi leith, agus
- feidhm iniúchta inmheánach a bhunú.

Tá an córas rialaithe airgeadais inmheánach bunaithe ar chreat a bhfuil mar aidhm leis faisnéis bhainistíochta rialta, nósanna imeachta riaracháin (lena n-áirítear deighilt dualgas, teorainneacha údaraithe agus lámhleabhar ar nósanna imeachta doiciméadaithe), agus córas tairmlighe agus cuntasáíochta a chur ar fáil. Áirítear air go sonrath:

- Córas cuimsitheach buiséid le buiséad bliantúil, a ndéantar athbhreithniú agus comhaontú air ag an gComhairle sula gcuirtear faoi bhráid na Roinne Oideachais agus Eolaíochta é;
- Buiséad oibríochta arna chomhaontú ag an gComhairle bunaithe ar theorainneacha buiséid arna leagan amach ag an Roinn Oideachais agus Eolaíochta;
- Athbhreithniú mionsonraithe ag an bhFeidhmeannas agus ag an gComhairle go míosúil agus tuarascálacha airgeadais ar thréimhse go dtí dáta sonrath a léiríonn feidhmiú airgeadais le hais an bhuiséid;
- Athbhreithniú rialta ag an bhFeidhmeannas agus ag an gComhairle ar thuarascálacha airgeadais agus ar phríomhtháscairí oibríochtúla, agus
- Treoirlínte sainléirithe ar sholáthar agus ar thairiscintí a dhéanamh.

I rith 2007 choimisiúnaigh an Chomhairle sainchomhairleoirí seachtracha chun trí athbhreithniú inmheánacha a dhéanamh, lenar áiríodh athbhreithniú ar a córas rialuithe airgeadais inmheánacha.

Tá sliocht as na cuntais airgeadais a chuir an Chomhairle faoi bhráid an Aire leagtha amach in **Aguisín IV**.

## Rialachas

### Comhairle nua de chuid na Comhairle Náisiúnta um Oideachas Speisialta a Cheapadh

Le dul in éag théarma oifige na chéad Chomhairle de chuid na Comhairle Náisiúnta um Oideachas Speisialta, cheap an tAire Oideachais agus Eolaíochta Comhairle nua faoi Alt 21 den Acht um Oideachas do Dhaoine a bhfuil Riachtanais Speisialta Oideachais Acu 2004 le haghaidh téarma dar tús 1 Eanáir 2007 agus le dul in éag ón 31 Nollaig 2009.

### Comhaltacht na Comhairle

Cheap an tAire Oideachais agus Eolaíochta an Cathaoirleach agus 12 chomhalta eile chuig an gComhairle ó raon daoine a bhfuil suim nó eolas faoi leith acu a bhaineann le hoideachas leanaí faoi mhíchumas, agus áiríodh orthu sin beirt ar ainmnithe ón Údarás Náisiúnta Míchumais iad don Aire agus ainmní amháin de chuid an Aire Sláinte agus Leanaí.

<b>Comhaltacht Chomhairle an NCSE</b>	
<b>An tUas. Sydney Blain (Cathaoirleach)</b>	Príomhoide, Coláiste Oideachais Eaglais na hÉireann, Ráth Maoinis, Baile Átha Cliath
<b>An tUas. Christy Lynch</b>	Príomhoifigeach Feidhmiúcháin KARE, Ainmnithe ag an Údarás Náisiúnta Míchumais (NDA)
<b>An Dr Seamus Hegarty</b>	Cathaoirleach an Chumann Idirnáisiúnta um Meastóireacht ar Ghnóthachtáil Oideachais. Iar-Stiúrthóir na Fondúireachta Náisiúnta do Thaighde Oideachais i Sasana agus sa Bhreatain Bheag.
<b>Siobhán Barron, Uas.</b>	Stiúrthóir, An tÚdarás Náisiúnta Míchumais, arna hainmniú ag an NDA
<b>An tUas. Rory O' Sullivan</b>	Príomhoide, Coláiste Breisoideachais Chill Easra, Baile Átha Cliath
<b>Teresa Griffin, Uas.</b>	Príomhoide, An Rannóg Oideachais Speisialta, An Roinn Oideachais agus Eolaíochta
<b>An tUas. Tom O' Sullivan</b>	Ard-Rúnaí Cúnta, Cumann Múinteoirí Éireann, iar-Phríomhoide Scoil Náisiúnta Naomh Seanán, Luimneach.
<b>An tOllamh Patricia Noonan Walsh</b>	Ollamh le Staidéar an Mhíchumais, an Coláiste Ollscoile, Baile Átha Cliath. Iar-Uachtarán an Chumann Idirnáisiúnta do Staidéar Eolaíoch ar Mhíchumas Intleachtúil.
<b>An tSr. Maighread Ní Ghallchobhair</b>	Leas-Chathaoirleach Chumann Náisiúnta na mBord Bainistíochta san Oideachas Speisialta. Iar-Phríomhoide Scoil Benincasa do leanaí le deacrachtaí iompair agus mothúchána.
<b>Anita Dillon, Uas.</b>	Comhordaitheoir ranga speisialta i Meánscoil na Toirbhirte, Killina, Tulach Mhór, Contae Uíbh Fhailí.

<b>An tUas. Dermot Ryan</b>	Príomhoide, An Roinn Sláinte agus Leanaí. Ainmní an Aire Sláinte agus Leanaí.
<b>Caroline O' Brien, Uas.</b>	Príomhoide Cúnta Scoil an Linbh Naofa, Cill Iníon Léinín, Contae Bhaile Átha Cliath. Iar-chomhalta de chuid Bhord Stiúrthóirí Oilimpeacha Speisialta Éireann.
<b>An tUas. Gearóid Ó Conluain</b>	Leas-Phríomhchigire, An Roinn Oideachais agus Eolaíochta

### **Cruinnithe Comhairle**

Tionóladh an chéad chruinniú de chuid na Comhairle nua an 26 agus an 27 Feabhra 2007. Chas an Chomhairle le chéile 7 n-uaire le linn 2007.

### **Coistí na Comhairle**

Bhunaigh an Chomhairle ceithre choiste faoi Alt 33 d'Acht ODRSO. D'oibrigh na coistí sin i rith 2007 agus rinne siad tuairiscí chuig an gComhairle de réir a dtéarmaí tagartha agus a dtreoirínte rialachais comhaontaithe. Chomhaontaigh comhaltaí na Comhairle feidhmiú ar choiste amháin nó níos mó. I gcás an Choiste Iniúchta, cheap an Chomhairle Cathaoirleach seachtrach le taithí ábhartha.

<b>Taighde agus Cumarsáid</b>
An Dr Seamus Hegarty (Cathaoirleach)
An tUas. Gearoid Ó Conluain
An tUas. Tom O' Sullivan
An tOllamh Patricia Noonan Walsh

<b>Straitéis agus Polasaí</b>
An tUas. Christy Lynch (Cathaoirleach)
Caroline O' Brien, Uas.
Anita Dillon, Uas.
An tSr Mairead Ní Ghallchobhair

<b>Airgeadas</b>
Siobhán Barron, Uas. (Cathaoirleach)
An tUas Rory O' Sullivan
Teresa Griffin, Uas.
An tUas. Dermot Ryan

<b>Iniúchadh</b>
An tUas. Donal Lawlor (Cathaoirleach)
An tUas. Christy Lynch
An Dr Seamus Hegarty

Siobhán Barron, Uas.

**Leas-Chathaoirleach na Comhairle**

Thogh an Chomhairle Christy Lynch mar Leas-Chathaoirleach de réir Alt 19 (Sceideal 1) den Acht um Oideachas do Dhaoine a bhfuil Riachtanais Oideachais Speisialta Acu 2004.

## Fóram Comhchomhairleach

Forálann Alt 22 d'Acht ODRSO, 2004, do bhunú fóraim chomhchomhairligh ag an gComhairle, lena bhféadfaidh an Chomhairle comhchomhairle a fháil i ndáil le feidhmiú a cuid feidhmeanna. Féadfaidh an Chomhairle suas le huasmhéid 17 nduine a cheapadh chuig an bhfóram sin agus ní mór di dul i gcomhairle leis an Aire Oideachais agus Eolaíochta agus le comhlachtaí eile roimh na ceapacháin a dhéanamh.

Sa bhliain 2007, bhí na comhaltaí seo a leanas ar an bhFóram Comhchomhairleach:

<b>Comhaltaí an Fhórait Chomhchomhairligh 2007</b>	
<b>An tUas. Tim Geraghty Cathaoirleach</b>	Cumann Náisiúnta Phríomhoidí agus Leas-Phríomhoidí
<b>An tUas. Jim Moore</b>	Cumann na dTuismitheoirí do Ghairmscoileanna agus do Choláistí Pobail
<b>Geraldine Graydon, Uas.</b>	Comhairle Náisiúnta na dTuismitheoirí
<b>Jennifer Duffy, Uas.</b>	Cumann na Meánmhúinteoirí, Éire
<b>Bernie Ruane, Uas.</b>	Aontas Múinteoirí Éireann
<b>Anne Fay, Uas.</b>	Cumann Múinteoirí Éireann
<b>Patricia McCrossan, Uas.</b>	Cumann Náisiúnta na mBord Bainistíochta d'Oideachas Speisialta
<b>An tUas. Liam Ryder</b>	Cumann na Scoileanna Pobail agus Cuimsitheacha
<b>An tUas. Seán Burke</b>	An Cumann Gairmoideachais in Éirinn
<b>An tUas. Pat Goff</b>	Líonra Phríomhoidí Bunscoile na hÉireann
<b>Helen Guinan, Uas.</b>	Cónaidhm Náisiúnta na gComhlachtaí Deonacha
<b>Joanne McCarthy, Uas.</b>	Cónaidhm Míchumais na hÉireann
<b>An tUas. Bill Shorten</b>	Uilechuimsitheacht Éireann
<b>Marion Meaney, Uas.</b>	Feidhmeannacht na Seirbhíse Sláinte
<b>Frances Berry, Uas.</b>	Ionaid um Maireachtáil Neamhspleách
<b>An tUas. Gerard McGuill</b>	Comhbhord Bainistíochta
<b>Mary Horan, Uas.</b>	Ionadaí Airí
<b>Maureen Costello, Uas.</b>	Ionadaí Airí
<b>An tUas. Don Mahon</b>	Ionadaí Airí Cigireachta
<b>An tSr Bernadette Carron</b>	Cumann Bainistíochta na mBunscoileanna Caitliceacha

## **Aguisín I**

### **Oifigí an NCSE**

**(mionsonraí iomlána reatha ar fáil ar [www.ncse.ie](http://www.ncse.ie))**

Baile Átha Troim, Co. na Mí (Ceannteathrú an NCSE)

Baile Cheatharlach, Co. Cheatharlach  
Baile an Chabháin, Co. an Chabháin  
Inis, Co. an Chláir  
Chathair Chorcaí  
Mainistir Fhear Maí, Co. Chorcaí  
Mala, Co. Chorcaí  
Dún Mánmhaí, Co. Chorcaí

Leitir Ceanainn, Co. Dhún na nGall  
Na Gleanntaí, Co. Dhún na nGall

Tamhlacht, Co. Bhaile Átha Cliath  
Baile Bhlainséir, Co. Bhaile Átha Cliath  
Cathair Bhaile Átha Cliath  
An Rinn, Co. Bhaile Átha Cliath  
Baile Dúill, Co. Bhaile Átha Cliath  
Dún Laoghaire, Co. Bhaile Átha Cliath  
Cathair na Gaillimhe  
Baile Átha an Rí, Co. na Gaillimhe  
Trá Lí, Co. Chiarraí

An Nás, Co. Chill Dara  
Cathair Chill Chainnigh  
Port Laoise, Co. Laoise

Cora Droma Rúisc, Co. Liatroma  
Cathair Luimnigh  
An Caisleán Nua, Co. Luimnigh  
An tOspidéal, Co. Luimnigh  
Baile an Longfoirt, Co. an Longfoirt  
Droichead Átha, Co. Lú  
Caisleán an Bharraigh,  
Co. Mhaigh Eo  
An Uaimh, Co. na Mí  
Baile Mhuineacháin,  
Co. Mhuineacháin  
Tulach Mhór, Co. Uíbh Fhailí  
Baile Ros Comáin  
Baile Shligigh, Co. Shligigh  
An tAonach, Co. Thiobraid Árann  
Cluain Meala, Co. Thiobraid Árann  
Cathair Phort Láirge  
An Muileann gCearr, Co. na hIarmhí  
Inis Córthaidh, Co. Loch Garman  
Cill Chomhghaill,  
Co. Chill Mhantáin  
An tInbhear Mór, Co. Chill Mhantáin  
Baile Coimín, Co. Chill Mhantáin

## **Aguisín II**

### **Anailís ar Leithdháileadh Acmhainní: Bunscoileanna**

#### **Iarratais maidir le Leanaí i mBunscoileanna (lena n-áirítear líon iarratas ó Scoileanna Speisialta)**

##### ***Iarratais ar Mhúinteoireacht Acmhainne***

Is míchumais ardmhinicíochta iad míchumais a tharlaíonn níos minice sa phobal ginearálta agus áirítear orthu míchumas foghlama ginearálta éadrom teorainneach, míchumas foghlama ginearálta éadrom, agus míchumas foghlama sonrach. Tacaítear le leanaí a bhfuil míchumais ardmhinicíochta orthu tríd an tSamhail Leithdháilte Ghinearálta a oibríonn i mbunscoileanna, ina leithdháiltear acmhainní foghlama chun cabhrú le scoileanna soláthar iomchuí a dhéanamh do leanaí a bhfuil míchumas ardmhinicíochta orthu agus do dhaltaí atá incháilithe do mhúinteoireacht tacaíochta foghlama.

Is míchumas íosmhinicíochta iad na míchumais sin a tharlaíonn le níos lú minicíochta sa phobal ginearálta. Tugtar leithdháileadh uaireanta múinteoireachta acmhainne faoi leith do scoileanna do na leanaí sin a bhfuil riachtanais chasta agus leanúnacha acu agus a measadh míchumas íosmhinicíochta a bheith orthu.

In 2007, fuair an NCSE **7,847** iarratas ar thacaíocht múinteoireachta acmhainne maidir le leanaí a bhfuil míchumas íosmhinicíochta orthu, de bharr go dtacaítear le leanaí bunscoile a bhfuil míchumas ardmhinicíochta orthu tríd an tSamhail Leithdháilte Ghinearálta (SLG).

D'ainneoin sin, fuarthas os cionn 400 iarratas ar mhúinteoireacht acmhainne ó bhunscoileanna i ndáil le leanaí a mbeadh rochtain acu ar thacaíochtaí tríd an SLG. D'fhéadfaí é sin a lua le fachtóirí áirithe, mar shampla gur tugadh isteach an SLG le déanaí nó tagairtí do thacaíochtaí sonracha i dtuarascálacha gairme. Tá sé beartaithe go soiléireoidh an NCSE cúrsaí maidir leis an bpróiseas leithdháilte trí fhaisnéis a scaipeadh ar scoileanna ina leith.


Fuarthas **3,846** iarratas ar rochtain ar thacaíocht CRS ó bhunscoileanna. Maidir leis sin, fuarthas roinnt iarratas ar thacaíocht den sórt sin ó leanaí a bhfuil míchumas ardmhinicíochta orthu, go príomha iad sin le Míchumas Foghlama Ginearálta Éadrom.

**Is próiseas leanúnach é an próiseas na sonraí go léir maidir le hiarratais bhailí a chur isteach sa Chóras Riaracháin don Oideachas Speisialta. Léiríonn anailís ar na hiarratais atá curtha isteach inár gCóras in 2007 briseadh síos ar mhíchumas mar atá leagtha amach sa tábla ar lean.**



**Iarratais ar Uaireanta Acmhainne de réir Míchumais – Bunscoileanna (Príomhshrutha)\***


**\*lena n-áirítear ranganna speisialta i suíomh príomhshrutha**



*Ar na míchumais atá sa chatagóir “eile” tá Siondróm Measúnaithe, Laigí Amhairc agus Éisteachta, Míchumas Foghlama Ginearálta Dian agus Domhain*

**Iarratais CRS de réir Míchumais: Bunscoileanna (Príomhshrutha)\***

**\*lena n-áirítear rang speisialta i suíomh príomhshrutha**



*Ar na míchumais atá sa chatagóir “eile” tá Siondróm Measúnaithe, Laigí Amhairc agus Éisteachta, Míchumas Foghlama Ginearálta Dian agus Domhain*

## **Conclúidí**

Is féidir na treochtaí seo a leanas a aithint ó na figiúirí thuas:


- Bhain 28% de na hiarratais ar mhúinteoireacht acmhainne agus bhain 34% de na hiarratais ar rochtain ar CRS le leanaí le suaitheadh iompair mothúchánach nó le dian-suaitheadh iompair mothúchánach.
- Bhain 16% de na hiarratais ar mhúinteoireacht acmhainne agus bhain 17% de na hiarratais ar rochtain ar CRS le leanaí le míchumas fisiciúil
- Bhain 16% de na hiarratais ar mhúinteoireacht acmhainne agus bhain 20% de na hiarratais ar rochtain ar CRS le leanaí le ASD.
- Bhain 19% de na hiarratais ar mhúinteoireacht acmhainne agus bhain 4% de na hiarratais ar rochtain ar CRS le leanaí le Neamhord Urlabhra agus Teanga Sonrach

**Anailís ar Leithdháileadh Acmhainní: Iarbhunscoileanna\***  
**\*lena n-áirítear ranganna speisialta i suíomh príomhshrutha**

Áirítear daltaí a bhfuil míchumas ardmhínicíochta orthu ar na figiúirí sin de bharr nach bhfuil feidhm leis an tSamhail Leithdháilte Ghinearálta ach amháin ag leibhéal bunscoile.


Fuarthas **6,592** iarratas ar thacaíocht mhúinteoireachta bhreise agus fuarthas **1,163** iarratas ar rochtain ar thacaíocht CRS.

**Iarratais ar Thacaíocht Mhúinteoireachta Bhreise de réir Míchumais – Iarbhunscoileanna**



*Ar na míchumais atá sa chatagóir “eile” tá Siondróm Measúnaithe, Laigí Amhairc agus Éisteachta, Míchumas Foghlama Ginearálta Dian agus Domhain*

## Iarratais ar CRS de réir Míchumais - Iarbhunscoileanna



*Ar na míchumais atá sa chatagóir “eile” tá Siondróm Measúnaithe, Laigí Amharc agus Éisteachta Míchumas Foghlama Ginearálta Dian agus Domhain*

### Coinclúidí

Is féidir na treochtaí seo a leanas a aithint ó na figiúirí thuas:

- Bhain 13% de na hiarratais ar thacaíocht mhúinteoireachta bhreise agus bhain 29% de na hiarratais ar rochtain ar CRS le leanaí le suaitheadh iompair mothúchánach nó le dian-suaitheadh iompair mothúchánach
- Bhain 63% de na hiarratais ar thacaíocht mhúinteoireachta bhreise a taifeadh le leanaí le míchumas ardmhnicíochta
- Bhain 19% de na hiarratais ar thacaíocht mhúinteoireachta bhreise agus bhain 12% de na hiarratais ar rochtain ar CRS le leanaí le míchumas foghlama ginearálta éadrom.

### Aguisín III

#### Soláthar Foirne an NCSE

	<b>Poist Cheadaithe 2007</b>
Príomhoifigeach Feidhmiúcháin	1
Príomhoifigeach	4
Príomhoifigeach Cúnta	5
Ardoifigeach Feidhmiúcháin	5
Oifigeach Feidhmiúcháin	5
Oifigeach Foirne	1
Oifigeach Cléireachais	3
Eagraí Riachtanais Oideachais	12
Speisialta Sinsearacha	
Eagraí Riachtanais Oideachais	70
Speisialta	
<b>Iomlán</b>	<b>106</b>

## Aguisín IV

### Achoimre ar an Ráiteas Airgeadais

---

	<b>2007</b>	<b>2006</b>
	€	€
<b>Ioncam</b>		
Deontas Stáit	8,919,539	7,973,994
Aistriú chuig Cuntas Caipitil	64,524	(64,281)
Ioncam Eile	10,849	133
	<hr/>	<hr/>
	8,994,912	7,909,846
	(7,916,848	(7,589,249
<b>Caiteachas</b>	)	)
	<hr/>	<hr/>
Barrachas/(Easnamh) Ioncaim thar Chaiteachas	1,078,064	320,597

Ní raibh gnóthachan ná cailteanas ar bith eile ann i rith na bliana, ach amháin iad sin a ndéileáiltear leo sa Chuntas Ioncaim agus Caiteachais.

Is féidir teacht ar chóip de na ráitis airgeadais iniúchta don bhliain dar críoch 31 Nollaig 2007 ar [www.ncse.ie](http://www.ncse.ie).